



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 27. Institutio Laicorum Jona Auctore.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

steria sibi collata Laici conferrent, & Sæculum IX. penitus collabi non sinant. Cædes & A.C. 829. privatorum vindictæ acerrime puniantur. Tandem majoris præ ceteris momenti est articulus de reprimendo abusu utriusque potestatis. *Nihil magis, inquiunt Episcopi, Disciplina Ecclesiastica & Reipublicæ nocet, quam quod a longo jam tempore Principes causis Ecclesiasticis se ingerant, & Episcopi tum ignorantia tum cupiditate plus justo negotiis secularibus implicentur.*

§. XXVII.

Institutio Laicorum Jona Auctore.

Institutio Laicorum a Jona Aurelianensi scripta est in gratiam Matfridi, ejusdem Civitatis Comitum, qui Episcopum suum rogaverat, ut quam brevissime posset, præcepta sibi conscriberet, quæ implendo & ipse & alii Christiani in matrimonio vitam Deo gratam ducere possent. Hic Tractatus, etsi sit brevis, dividitur in tres libros, quorum primus & tertius omnibus Fidelibus, secundus vero conjugibus utilis est.

to. 1. Spicit. init.

Primo agit de obligatione, quam omnis Christianus in Baptismo subit. Transiens deinde ad Confirmationem, hortatur, ut ejus collatio non differatur. Quod argumento est, jam illa ætate Sacramentum Confirmationis a Baptismo

Sæculum IX.

A. C. 829.

lib. I. c. 10.

c. 16.

plerumque fuisse separatum. Hortatur parentes & paternos, ut pueros in fidei doctrina erudiant. Queritur, admodum raro fieri, ut pœnitentia secundum veterum Canonum præcepta injungeretur, & aliquos peccatores, quo indulgentius haberentur, ad Sacerdotes Disciplinæ Ecclesiasticæ ignaros accedere. Dicit, Fideles pro more in Ecclesia recepto peccata graviora Presbyteris confiteri, ut eorum Ministerio Deo reconcilientur, leviora autem & quotidiana cuicunque obvio; fatetur tamen, istud confitendi genus vix inter alios quam inter Monachos retineri. Nempe aliqui, præter Confessionem Sacramentalem peccatorum mortalium necessariam, culpas leviores aliis non Presbyteris confitebantur, ut humiliarentur, eorumque consilio & precibus adjuvarentur.

c. 19.

c. 20.

Jonas præterea queritur, plerosque Laicorum Sanctam Communionem tribus solum præcipuis anni Festis accipere, & hortatur, ut sæpe sed rite dispositi communicent. Rursus carpit, quod multi Dynastæ a Parochis partem Decimarum, & aliorum proventuum ex Ecclesiis sui Patronatus, tunc præcipue, quando frequentissimus esset populi concursus, exigent. Quod Laici Presbyteros pauperes usque adeo vilipenderent, ut iis pro famulis uterentur, & ad capiend.

capiendum secum cibum non admitte- Sæculum IX.
rent. In aleatores vehementer invehi- A. C. 829.
tur, & contra eos, qui venatui immodi-
ce indulgebant, atque ideo ab officiis
Divinis aberant, & pauperes opprime-
bant.

c. 23.

c. 24.

Comites aliique Optimates jus qui-
dem dicebant, sed plerique superante
focordia causas pauperum negligebant,
& a divitibus munera accipiebant. Sua-
det, ut ægrotantes Ministerio Pres-
byterorum ungantur, & complures ar-
guit, quod divinatores consulerent, quis
morbi exitus esset futurus. Item repre-
hendit, quod pauperum sepulturæ ex-
tra curam essent, & destructis sepulchris
domus eorum loco ædificarentur. Hoc
opus pro temporum illorum methodo
sententiarum ex Scriptura & Patribus
excerptarum unus prope contextus est.

c. 15.

§. XXVIII.

Halitgari Tractatus de Pœnitentia.

Halitgarus in hoc Concilio Parisiensi
præsens Episcopatum Attrebaten-
sem & Cameracensem ex anno octingen-
tesimo decimo sexto gerebat, atque Eb-
bonis Archiepiscopi Remensis in sua Mis-
sione Danica anno octingentesimo vige-
simo secundo socius fuerat. Anno oc-
tingentesimo vigesimo octavo a Ludovico
Imperatore Constantinopolim Le-
gatus

*Sigeb. illust.**Bald. l. i.**Flod. II. hist.**Rem. c. 19.*

Q 5

gatus